



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 7. Templi tholus ruinas agens firmatur.

[urn:nbn:de:hbz:466:1-64112](#)

Templi tholus rimas agens firmatur.

Cap. VII.

LAETOS TALI SPECTACULO INDIGENAS, ADUENASQUE INGENS
REPENTE INCESSIT METUS SUBITO AMITTENDI, QUOD SUMMA
CUM ADMIRATIONE, AC VOLUNTATE SPECTABANT, & (QUOD
CAPUT EST) ETIAM ILLUD IPSUM, CUIUS ID ERAT ORNAMENTUM.
BASILICÆ TESTUDO (CUI SUBIECTAM IN MEDIO SPATIO SACRAM
VIRGINIS CELLAM DIXIMUS) STABAT OCTO LATERITIJS INNIXA PI-
LIS. ATTAMEN SUE SUPERSTRUCTORUM PARIETUM ALTITUDE,.
SUE NIMIO IMPOSITI PLUMBI PONDERE DEGRAUANTE, SUC-
CUMBRE ONERI, & RIMAS AGERE REPENTE COEPIT, NOVO CELLÆ OR-
NAMENTO, CELLÆQUE IPSI CUI IMMINEBAT, FÖDAM RUINAM
MINITANS. TAM TREPIDO NUNCIO EXCITUS PONTIFEX EXTREM-
PO Antonium Sangallum architectum suum maturare
Lauretum iubet, & summa ope tanto illi incommodo ob-
uiam ire: ne tot annorum, tot Pontificum labor momen-
to temporis ad nihilum recideret: & duo præcipua orbis
terræ, alterum diuinæ potestatis, alterum humanæ artis
miracula, subita templi ruina opprimeret. His plenus vo-
cibus Sangallus Lauretum aduolat, & re cum Nerucio ar-
chitecto communicata, confestim de communi sententia
pilas tanto oneri impares intentiore cura munire, ac fir-
mare aggreditur. Igitur validis trabibus testudinem pro-
tinus fulcit: & circum effossis strenue fundamentis, pilas
impigre conuestit quadrato lapide, firmatque quatuor in-
ter alternas pilas arcibus minoribus exstructis, qui super
imposito oneri ferendo forent. Ac ne quid munimenti
non necessarij tantum, sed etiam opportuni prætermitte-
retur, pilæ quoque ac parietes inter se ingentibus vecti-
bus ferreis colligati, sed ita, ut vectes ipsi aut nusquam,
aut non indecorè appareant: cætera quoque ita perfe-
cta,

et, ut non magis firmitas, quam species quæsita videatur. Et ad celeritatem operis haud parum fabrorum, architectorumque solertiam iuuit sedulitas aduenarū. Quippe ingens eorum multitudo auertendi periculi, quod Lauretanæ Domui imminere credebant, certatim conuertare lapides, ferre onera, machinis operam dare, læti se operam suam nauare Virgini Lauretanæ, sanctissimæ orbis terrarum cellæ, perfugio omnium gentium, nationumque. ita tota res omnium opinione celerius perfecta, & imminens sanctæ Domui periculum non magis confilio, quam celeritate discussum.

Nouis Lauretana Ædes donis augetur.

Cap. V I I I.

Per id tempus magna à nobilibus viris, ac feminis dominorum vis fuit. A Francisco Sfortia Mediolanensi Duce postremo, sacerdotis ac ministrorum solemnis cærimonias sacris operantium amictus egregij ex veste Attalica, magnificis operibus piæta, Lauretanæ Virgini dono missa. A Sigismundo Estensi Ferrariae Duce Herculis filij effigies argentea pondo fere quatuor: sua quoque effigies ex argento librarum nouem. A Bassano Mantuano suum simulacrum ex argento expressum, pondo amplius octo. Ab Honorio Sabello corona argentea ferme trilobris. Ab Octauio Farnesio crux aurea ex aureo torque pendula. A Bonifacio Caetano Duce Sermonetæ argentea effigies Lauretanæ Virginis, arque altera filii sui pondere non contemnendo. Ab Hercule Maria Sfortia duæ ex argento expressæ imagines, singulæ octo librarum. A Bernardino Sanquinio Neapolitano simulacula bina ex argento cælata, pondo ferme quatuor. A Leonardo Bonafide Episcopo Cortonensi ipsius imago argentea quatuor libra-

Cod. Lau.

Ducis Medioli. D.

Ferrariensis
Ducis D.

Bassani Mantuan. D.

Honorij Sabelli D.

Octauij Farneſij D.

Ducis Sermonetæ D.

Her. Mariæ Sfortiæ D.

Bernardini Säquinij D.

Cortorélis Episc.D.